

Ficus Africana aizoides major procumbens, folio triquetro, fructu maximo eduli *Ammann. Hort. Bosf. p. 13.* Mesembryanthemum, sive Flos meridianus Africanus triangulari folio, frutescens maximus procumbens, fructu turbinato eduli, flore luteo *Breyn. Prodr. II. p. 67.* Ficus aizoides Africana major procumbens, triangulari folio, fructu maximo eduli *Hermanni Raj. Hist. Plant. Tom. II. App. p. 1879. n. 1.* ubi descriptio Hermanni: Ficoides Africanum Mesembryanthemum, seu Ficus aizoides frutescens maxima procumbens, fructu turbinato eduli, flore luteo *Pluk. Alm. p. 148.* Mirafol *Eid. Mant. p. 77.* Ficoides sive Ficus aizoides Africana major procumbens, triangulari folio, fructu maximo eduli *D. Hermanni Hist. Oxon. Part. III. p. 506. n. 1.* ubi descriptio Hermanni: Ficoides major Africana, folio triangulari glauco majori *Ibid. Sect. XII. Tab. 7. Ser. 3. fig. 1.* quæ ramum saltem absque floribus repræsentat minori forma, cum foliis nimis cuspidatis. Ficoides Africana major, triangulari folio, fructu maximo eduli *Pein. Hort. Bosf. Ann. 1699. 1712. 1713.* Ficoides Africana major, folio triangulari, fructu maximo eduli, sive Ficus Hottentottorum *Schwer. Cat.* Ficoides Africana erecta, folio triangulari *Heuch. Hort. Vitemb. p. 22.* Sempervivum Africanum majus procumbens, flore aureo fulgore micante, fructu maximo eduli, folio triangulari viridi crasso *Ejusd. Nov. Prov. Ann. 1713. p. 47.* Ficoides Africana erecta, folio triangulari glauco, cauliculis viridantibus, fructu maximo eduli *Wehm. Hort. C. Bosf.* Male autem erecta dicitur.

De usu & viribus ex Petri Kolben Descript. Cap. Bon. Sp. id porro annotari meretur, quod earum specierum, quæ flores luteos & purpureos gerunt, (videtur autem hanc & sequentem speciem designare) fructus leniter alvum moveant, ut refert p. 258. Edit. Germ. & quod foliorum succo infantes recens natos, a stercore vaccino, quo perungunt, prius repurgatos, lavent Hottentotti, quod credant ad agilitatem & currendi celeritatem tenella membra inde disponi, ut habet idem p. 443.

MESEMBRYANTHEMUM FALCATUM MAJUS,
FLORE PURPUREO MEDIOCRI T. CCXII. F. 273.

CAULES præcedenti fimiles ad cubitalem, bicubitalem & amplius longitudinem excrescunt, ni sustententur provoluti, inferiora versus cinerei & teretes, superiora versus purpurei, leniter compressi, & duobus veluti angulis præditi, in quibus folia nascuntur, inferius quidem (vid. figura tertia) longiora & rectiora, superius & quæ e geniculis nascuntur breviora & incurva, suntque juniora quidem & media folia introrsum, exteriora & natu majora extrorsum falcata, triquetra, satis crassa, acuta & rigida, tribus lateribus invicem æqualibus, per margines, præsertim vero in dorso, minutis denticulis, limæ triquetræ instar, asperata, succosa, adstringentia, quæ luci obversa punctata apparent.

Flores Septembri mense nobiscum protulit, secundum caulium longitudinem pediculis biuncialibus, uno foliorum pari cinctis, insidentes, mediocris magnitudinis, purpureos, e plurimis petalis radiatim digestis conflatos, petalis exterioribus majoribus, interioribus pedetentim minoribus, ita ut interiora, quæ staminibus apponuntur, non nisi filamenta sint tenuia mucronata inflexa, intima vero in stamina tandem abeant, quibus apices luteoli inhærent. Calyx in quinque inæqualia,

qualia, duo longiora, & tria breviora membranacea segmenta dividitur. Stylus e quinque corniculis cirrosis constat, & embryo seu tenellum vasculum in quinque loculamenta partitum est, prouti figura nostra demonstrat, in qua pars ejus superior abscissa & cum stylo figura quarta seorsum expressa est. Ceterum videri posset hæc & præcedentes duæ species margines foliorum interruptos habere, verum cum denticuli adeo parvi sint, ut vix videri queant, sane folia inæqualia minime efficiunt.

Ad hanc speciem mihi referendum videtur: Chrysanthemum aizoides Africanum triangulari folio, flore purpureo *Breyn. Cent. p. 164.* & *Raj. Hist. Plant. Tom. I. p. 693.* Chrysanthemum similis aizoides Africana major, triangulari folio, flore purpureo *Breyn. Prodr. I. p. 26.* ubi bis recensetur. Mesembryanthemum five Flos meridianus Africanus triangulari folio, frutescens maximus procumbens, fructu turbinato eduli, flore purpureo *Eid. Prodr. II. p. 67.* „ Rarissima, inquit in „ *Centuria Plant. Rar.* & quantum mihi constat, Europæ nostræ minus reliquis „ nota. Antecedenti persimilis, nisi quod plerumque major, & folia floris umbonem luteum circumdantia, purpurei coloris pulchre a Natura picta. Tota hæc „ planta cum tribus antecedentibus & duabus sequentibus, præprimis folia cum „ capitibus, ut Aizoum succulenta: sapor aqueus, nitrosi quid occultans, quod „ in ficcatis, quæ plane falsæ, clarius patet.” Hæc descriptio est nimis brevis & nimis generalis, de qua plura in sequentibus. Hujus porro Synonyma sunt: Ficoides seu Ficus aizoides Africana major procumbens, triangulari folio, fructu maximo eduli, flore purpureo *Herm. Hort. Lugd. Bat. p. 247.* qui tanquam varietatem Ficus Hottentottorum vulgo, seu præcedentis speciei, recenset, a qua omnino differt. Chrysanthemum aizoidis Africani tertii, five triangulari folio, Breynii species secunda, flore purpureo *Raj. Hist. Plant. Tom. I. p. 693.* Ficoides Africana folio triangulari longissimo, flore purpureo *Tourn. Comm. Acad. Reg. Scient. Ann. 1705. p. 240. n. 13.* Tournefortius attendit ad Chrysanthemum aizoides Africanum, triangulari folio, flore aureo *Breyn. Cent. p. 163.* cui Breynius hoc persimile, sed plerumque majus & folia floris purpureo colore pulchre picta esse dixit. Sed non dicit Breynius folia æque longa esse; caules & tota planta potest esse major & robustior, licet folia sint minora; & ex serie specierum in Prodr. II. recensitarum, ubi hanc, & quæ flore est carneo atque albo, post Ficum Hottentottorum locat, apparet has tres species illi proxime congenere esse, & multum differre a Chrysanthemum illo aizoides Africano, triangulari folio, flore aureo *Breyn.* cui folia multo longiora sunt. Videtur igitur Tournefortius non vidisse hanc speciem & nomen suum ex Breyniana figura & similitudine Breyniana cudisse. Sed non fidendum esse similitudinibus, quas primi hujus generis & specierum Auctores instituerunt, pluribus locis apparet. Melius sane fecisset Breynius, si paullo accuratius descripsisset & figuram addidisset, & sic Tournefortius errorem foliorum longissimorum evitasset. Ficoides Africana major, folio triangulari, cauliculis rubicundis, fructu maximo, seu Ficus Hottentottorum *Wehm. Hort. C. Bos.* vel hæc est, vel præcedentis speciei varietas. Fructus autem hujus maximus dici non meretur.

An Ficoides Afra caule lignoso infirmo, folio triangulari longiore & tenuiore, quam in duabus præcedentibus, flore violaceo filamentoso plurimo *Boerb. Ind. II. p. 289. n. 5?*



Mesembryanthemum falcatum minus, flore carneo minore.



Mesembryanthemum falcatum minimum, flore purpureo parvo.

T. CCXII



Verbena officinalis L.



Verbena officinalis L.

MESEMBRYANTHEMUM FALCATUM
 MINUS, FLORE CARNEO MINORE T. CCXIII. F. 274.

QUÆ folia cum angulis æqualibus acutioribus habent, triquetra glabra Minora, ex iis duæ tantum mihi innotuerunt species, hæc nempe & altera, de qua in sequenti Capite. Caules autem hujus licet lignosi sint, ni tamen sustententur, procidui esse solent, cinerei, a pedali ad bipedalem longitudinem protensi, non admodum ramosi, ramis foliis ad genicula cinctis brevioribus (vix semunciam longis) angustis, incurvis seu falcatis, e quorum alis alia fasciculatim nascuntur minora & magis surrecta, lævia, ad Solem porosa, coloris glauci pallidioris, (viridia nempe sunt cum subcærulea nebula superinducta) minus succulenta, saporis adstringentis.

Superiores ramuli, Sole in Geminis & Cancro versante, in pediculos oblongos, aliquot geniculis & foliorum conjugationibus interceptos, excurrunt, ad basim floris crassiores, quibus insident flores modice ampli, & quam in sequenti specie, nonnihil majores, dilutissime purpurascens, e numerosis petalis angustis, radiatim expansis, conflati, petalis nunc integris & cuspidatis, non raro vero in duas tresve minutas lacinias in margine divisas, exterius longioribus & latioribus, interius sensim angustioribus & brevioribus, ita ut in filamenta tandem abeant & a staminibus distinguere nequeant. Ceterum stamina plurima minus longa centrum floris occupant, apicibus flavicantibus terminata. Stylus in quinque cornicula modice introflexa divisus est, crispa, flavicantia. Flori subjicitur calyx quinquefidus, segmentis in margine membranaceis exsuccis subfuscis, carinatis, subtus in parte convexa plerumque uncinatis seu spina, quæ in Rosarum caulibus nascitur æmula, sed molli & non pungente, præditis. Vascula inter petala & stamina exarida latent parva subrotunda, obtuse turbinata, ex rubro purpurantia, quinque obtusis angulis prædita, per maturitatem magis conspicue angulosa, quinquecapsularia, quæ figura prima & tertia integra, secunda dissecta exhibentur.

Sola hujus figura est inter *Plant. Succul. Dec. IV. Tab. 36.* eaque vitiosa, nam nec folia, nec florem, nec calycem bene exprimit in eo, quod flos justo minor sit & petala omnia habeat ejusdem magnitudinis, cujus filamenta & stamina plane omissa sunt, quod in calyce spinæ desint, quod folia obtusa & teretia exhibeantur, nec eorum situs & curvatura rite exprimantur. Nomen *p. 14.* est, Ficoides seu Ficus aizoides Africana frutescens, folio glauco parvo, flore violaceo *Boerb. Ind. II. p. 290. n. 8.* quod nomen habetur etiam in *Ind. I. p. 123. n. 13.* An & Ficoides seu Ficus aizoides Africana arborecens lignosa, folio glauco brevi, flore pallido *Ejusd. Ind. I. p. 122. n. 4?* Quod nomen sane bene & melius huic quadrat. Hujus porro speciei synonyma mihi censentur:

Ficoides Africana minor procumbens, folio triangulari glauco *Volck. Fl. Nor. p. 165.* Ficoides Africana foliis angustis triangularibus, flore carneo majori *Schwer. Cat. App. Manuscr.* Mesembryanthemum folio triangulari glauco parvo, flore violaceo, frutescens *Heuch. Nov. Prov. 1711. p. 47.* Quod nomen necessario huc referendum est, si superius ex Boerhaavio recensitum hujus loci sit. Alias sequentem magis, quam hanc speciem exprimit.

M E S E M B R Y A N T H E M U M F A L C A T U M
MINIMUM, FLORE PURPUREO PARVO T.CCXIII.
 F. 275. 276.

PRÆCEDENTIS instar fruticescit hæc species, sed multo minor est omnibus partibus, semipedalem aut dodrantalem altitudinem raro superans, caulibus brevibus lignosis, e quibus plurimi ramuli breves resupini, per ætatem invicem implexi & valde frequentes, nascuntur, cortice inferius glabro e cinereo spadiceo vestiti, superiores vero ramuli e spadiceo lutescunt, foliis cincti perbrevibus, triquetris, angustis, falcis instar incurvatis, glabris, glaucis, extremo apice purpureis, si luci obvertantur punctatis, in quibus ea differentia observatur, quod in junioribus plantis, qualis figura nostra posterior 276. longiora sint & minus dense congesta, in annosioribus vero breviora sint & glomeratim nascuntur, ut figura anterior 275. monstrat.

Flores liberrime profert & pleraque ætatis parte, novis emarcidis succedentibus, ostendit, quin & singuli satis diu perstant & multoties aperiuntur, ab initio convexi, dein radiatim expansi, petalis exterioribus longioribus planis, mediis brevioribus nonnihil incurvatis, interioribus, quæ circa stamina sunt, surrectis, filamentosis, unde fit, ut flores regularem & æqualiter radiatam figuram non obtineant, sed petala velut dislocata & dispersa videantur, præsertim nisi Sol ferveat; tempore enim valde calido magis regulariter & plane explicantur. Sunt vero petala interiora cuspidata integra, exteriora obtusiora, non raro bifida. Ceterum flores in extremis ramulis foliatis nascuntur, minores quam præcedentis speciei, & colore saturatiore præditi, nempe e violaceo purpurascens, odorem spirantes nucleorum Perficorum contritorum; qui flores, præcedentis & aliorum multorum instar, minime integri & coherentes in fundo extrahi possunt. Stamina floris umbilicum occupant surrecta, apicibus oblongis tenuibus flavis terminata, stylum occultantia & conspectui eripientia. Vasculum (figura quarta) quam præcedentis longe minus est, ex fusco purpureum, quinquecapsulare & quinque obtusis angulis in summitate terminatum, cui calyx circa medium connascitur, in quinque angusta & acuminata segmenta divisus, quorum duo, subinde tria segmenta latiuscula quandoque sunt, membranacea, concava fusca, subtus uncinata.

Non alia etiam hujus figura prostat, quam quæ est inter *Plantas Succul. Dec. K. Tab. 42.* quæ junioris plantæ nascendi modum non male repræsentat. Sed flores debebant esse paullo majores, petala magis obtusa, non tam regulariter expansa, nec debebant omitti media & interiora petala pedetentim minora: debebant porro exprimi stamina, quæ in hac specie satis conspicua & surrecta sunt, in foliis autem formam desidero, nam compressa fecit vel Figurator vel Sculptor, cum triquetra fieri oporteret. *Pag. 9.* recitatur nomen *Boerb. Ind. II. p. 190. n. 19.* nempe *Ficoides Afra* folio triangulari ensiformi brevissimo, flore dilute purpurascens filamentoso. Nec alia synonyma obtinuit hæc species, quam sequens, quod cum specimine transmissio communicatum habeo, nimirum *Ficoides Africana* foliis angustis triangularibus, flore carneo minori *Schwer. Cat. App.* quod commemorare libuit, ut noscatur, si quando Appendix illa typis fuerit excusa, quænam species indigetetur isto nomine. Absolutis

Abolutis variis Mesembryanthemorum Speciebus, restant ex Caulescentibus Radio in foliorum apice piloso destitutis, quæ folia habent non interrupta, Teretia, innumeris granulis lucidis, globulorum glacialium instar ad Solem micantibus, undique obsita. Ex his quatuor tantum species ad notitiam meam pervenerunt, quarum prima mihi dicitur

MESEMBRYANTHEMUM PILOSUM MICANS,
FLORE SATURANTER PURPUREO T. CCXIV. F. 277. 278.

CAULICULI & rami ad pedalem, sesquipedalem & bipedalem longitudinem excresecunt, numerosi & quaquaversum sparsi, graciles, quorum genicula inferiora in nodos extumescunt, superiora vero nodis destituuntur, unciali aut paullo longiore distantia ab invicem remota, quibus folia adnascuntur teretia, saturatim viridia & fere glauca, sed innumeris granis glacialibus dense congestis resplendentia, quæ ad genicula leniter coeunt & ex alis suis minora paria, modo una, modo gemella, modo terna emittunt, succulenta & sapore leviter pungente linguam afficientia. Recta sunt hæc folia & crassiuscula, in extremitate obtusa, unde fit, ut ob gravitatem suam pendula plerumque observentur. Caulis & rami cortice vestiuntur ex cinereo in fuscum tendente, parte inferiori glabri, versus medium vero & in superioribus ramulis multis pilis vel spinulis innoxiiis obsiti, cujusmodi pili non in alia, quantum constat, quam in hac & duabus proxime sequentibus speciebus observantur.

Flores in extremis ramulis pediculis insident longiusculis, vel e ramorum divaricationibus, vel e foliorum alis egressis, majusculi, e petalis laxioribus integris, simplici serie in orbem eleganter expansis, conflati, circa quæ radiantur numerosa stamina, apicibus pallidis terminata, quæ, quoniam flores colorem obtinent ex violaceo saturanter purpureo, eo magis conspicua sunt & non parvam flori gratiam addunt. Stamina hæc, ut in aliis, inter petala & embryonem oriuntur, embryo vero quinque corniculis villosis, quæ styli sunt, terminatur. Vascula parva sunt, quinquangularia, & per maturitatem stellam pentagonam representant. Calyx non pilosus, granulatus in quinque segmenta dividitur. Satis diu floret, novis floribus veteribus & emarcidis succedentibus. Majo vero Junioque mense flores hi potissimum comparent, & quamvis flores admodum regulariter explicentur, simulac tamen singuli flores defloruerunt, petala sparsa & confusa dependent.

Plantæ annosiores folia habent breviora & florum pediculos magis curtos, cujusmodi est figura minor 278. quæ vascula representat, major vero 277. cum floribus junioris est plantæ. Observandum porro grana glacialia in hac specie minus protuberare, quam in Mesembryanthemo piloso micante, flore purpureo striato, sed magis depressa esse & sibi invicem confundi, ut folia inde rugosa fiant, secus ac in sequentibus micantibus speciebus.

Describitur & depingitur in *Flora Nor. subnexa Hesper. Norib. J. C. Volck. p. 223. n. 6. fig. 4. p. 224.* At icon minus bona, est enim particula tantum ramuli, in qua desiderantur pili, & nec flos, nec stamina satis accurate designantur. Porro descriptio imperfecta & nimis brevis est, in qua folia perperam dicuntur orbiculata, nec fructus piriformis dici meretur. Nomen est: *Ficus aizoides Africana teretifolia*

teretifolia erecta, caule piloso, flore purpureo copioso ex H. M. V. Vereor autem ut erecta sit absque adminiculo hæc species; melius diceretur fruticescens. Mera synonyma sunt:

Ficoides seu Ficus Africana foliis teretibus crystallinisque miculis adspersis, cauliculis pilosis seu hirsutis *Flor. Nor. p. 165.* Ficoides Africanum ramosum majus, caule hirto *Raj. Hist. Plant. Tom. III. p. 366. n. 20.* Ficoides Africana erecta teretifolia, crystallinis micis conspersa, caule piloso, flore purpureo copioso *Schwer. Cat.* Ficoides Africana fruticosa, caule lanugine argentea ornato, folio tereti parvo longo, guttulis argenteis quasi scabro, flore violaceo *Boerb. Ind. II. p. 291. n. 8.*

*MESEMBRYANTHEMUM PILOSUM MICANS,
FLORE PURPUREO PALLIDIORE T. CCXIV. F. 279. 280.*

VALDE quam similis est hæc præcedenti speciei, sed tota humilior, magis ramosa & minus erecta. Folia autem, quam prioris, pallidiora, micis minoribus obsita, nonnihil longiora & angustiora sunt, non recta, sed incurva plerumque, extremitatibus minus crassis. Cauliculi & pediculi minus hispidi; flores dilute purpurascunt, minores aliquantum, petalis propius sibi admotis, staminibus brevioribus, quæ non omnia, prioris instar, super petala explicantur, sed non pauca eorum pars in medio utriculi figura collecta observatur. Majo Junioque mensibus floret, & flores satis numerosos profert, secundum ramulos e foliorum alis nunc ex altera tantum, nunc ex utraque parte enascentes, pediculis, quam in præcedenti specie, nonnihil brevioribus & minus foliatis.

Per ætatem multum ramosa & tortuosa fit, & ni alligetur, in se procumbit, pedalem altitudinem non superans, ramulis teretibus gracilibus lignosis, spadiceis tortuosis, pilositatem deponentibus, nisi in pediculis flores sustinentibus, qui tum breviores fiunt & flores minores e violaceo dilute purpurascences, splendentes gerunt. Flores autem e petalis latiusculis obtusis integris, nunc crebrioribus & sibi invicem impositis, nunc nonnihil rarioribus, ejusdem magnitudinis, regulariter Asteris instar expansis, conflati sunt, qui in basi non cohærent, nec integri, sed separatim extrahuntur. Stamina inter florem & embryonem proveniunt, partim super petala sparsa, partim in medio in capitulum collecta, apicibus luteolis prædita. Calyces in quinque segmenta divisi pilosi non sunt. Vascula, quinque obtusis angulis prædita, quinquecapsularia sunt, quæ per maturitatem si humescant, quod huic generi familiare est, stellatim expanduntur, segmentis quæ abscedunt radiatim expansis, in medio perforatis, in quorum umbilico vesiculæ quinque vel loculi membranacei stellatim digesti sunt, in quibus continentur semina arenosa, per maturitatem e fusco rufescentia.

Folia saporem habent aquosum, in recessu pungentem: in superficie minutissimis granis glacialibus tota aspersa sunt. Ceterum ea in annosioribus plantis superiora versus subtriquetra fiunt, sed vix observabili differentia. Figura nostra superior 279. statum plantæ annosioris, inferior 280. juniorem repræsentat.

Non memini hanc speciem vel depictam, vel descriptam esse, nisi sit Canariensis *Cosca* dicta, de qua statim post Synonyma. Hæc vero videntur:

Ficoides


P. 289. F. 277.

T. CCXIV.



Mesembryanthemum pilosum micans, flore saturanter purpureo.
Mesembryanthemum pilosum micans, flore purpureo pallidior.

T. CCXVI



Microglossum purpureum (L.) DC.
Microglossum pallidum (L.) DC.

Ficoides

Ficoides Africanum ramosum minus, floribus carneis, caule hirto *Raj. Hist. Plant. Tom. III. p. 366. n. 19.* Ficoides humilis, foliis crySTALLINIS miculis adspersis *Pein. Hort. Bos. Ann. 1712. 1713.* Ficoides Afra fruticosa, foliis teretibus, tenuibus acutis longioribus *Boerb. Ind. II. p. 291. n. 10.*

A *Bobarto in Hist. Oxon. Part. III. p. 507. n. 9.* & inde a *Rajo Hist. Plant. Tom. III. p. 364. n. 5.* Ficoides minor Canariensis teretifolia, micis argenteis aspersa, *Cosca* dicta, sequentem in modum describitur: „Hujus, inquit, ramuli „ crebrius nascentes humum petunt. Folia longa angusta teretia, ex adverso bina, „ præcedentis (Neapolitanæ) conformia, æque ac cauliculi succosi, e viridi rubentes, micis argenteis, præsertim Sole splendente, conspersa sunt. Flores „ radiati, ex tenuibus petalis conflati, carnei sunt coloris, quibus capsula seminalis carnosa, in quinas cellulas divisa, succedit.” Hæc sunt quæ de hac planta memoriæ relicta habemus. Figura nulla ejus prostat. *Cosca* nomen intercidit, an etiam planta, non determinaverim. Quodsi vero remansit apud nos planta, necesse est, ut vel hanc, vel sequentem pro ea habeamus. Quo minus autem sequentem existimemus, sunt striæ in flore valde conspicuæ, quas prætervitas fuisse credere non licet. Igitur si aliis videatur, sit hæc tantisper, donec aliam reperiamus, Canariensis species, cujus Synonyma sunt:

Ficoides Africanum Mesembryanthemum, seu Ficus aizoides teretibus foliis succosis, micis argenteis interspersis, flore carneo, ex Insulis Fortunatis: *Cosca* Insulanis vulgo *Pluk. Alm. p. 149.* Mesembryanthemum minus Canariense teretifolium, micis argenteis conspersum, seu glaciatis quasi micis splendentibus ornatum, flore carneo, *Cosca* dictum *Heuch. Nov. Prov. 1711. p. 47.*

MESEMBRYANTHEMUM PILOSUM MICANS,
FLORE PURPUREO STRIATO T. CCXV. F. 281.

MEDIA hæc est inter ultimam & penultimam modo memoratas species. Flos penultimæ quidem magnitudine est, at colore dilutiore purpureo tinctus: folia breviora sunt & angustiora, cauliculi pilis brevioribus, ultimæ instar, obsiti, cui & foliorum angustia respondet, verum ea breviora habet & granis glacialibus majoribus obsita, flores majores saturatiore purpureo colore tinctos. Ab utraque vero specie notabiliter distinguitur in eo, quod calyx & fructus basis valde pilosa sit, quod flores absque multa violacea mixtura, simpliciter & dilute purpurei, stria saturatiore purpurea, secundum longitudinem petalorum decurrente, picti sint, & quod stamina una in orbiculum, seminum Malvæ aut caseoli figura, colligantur ab initio, quæ licet postea magis furrigantur, nunquam tamen sparguntur. Stamina hæc caseoliformia colorem obtinent pallide virentem, umbilicum autem caseoli circulus occupat ruber.

Ceterum plantæ juniores folia habent crassiora & longiora, granis vel micis crassioribus obducta, flores vero majores, coloris longe pallidioris, stria etiam pallidiore notatos. Quin & annosiorum plantarum flores sub primam explicationem albicant, postea vero secunda & tertia apertione saturatiorem purpureum colorem acquirunt. Figura nostra ad annosiorum plantam facta. Eodem cum præcedentibus tempore floret, & flores aequaliter radiatimque explicat, diuque satis

retinet, quorum petala, ut in duobus præcedentibus, ejusdem invicem magnitudinis sunt. Calyces in quinque crassiuscula segmenta divisi pilosi sunt. Vascula subnascuntur parva, depressa, quinque tuberculis terminata, quinqucapsularia, semina parva continentia, quæ num. 1. seorsum designata sunt.

Descripta & depicta primum fuit hæc species in *Fl. Nor. Hesper. Norib.* subnexa p. 221. n. 2. Ficus aizoidis teretifolia, foliis crystallino rore elegantissime conspersis, floribus dilute roseis, ex H. M. V. titulo. „ Genita, inquit Auctor, „ est hæc planta anno 1705. ex semine, quod ex Promontorio Bonæ Spei nobiscum est communicatum. Caules & ramuli ejus rotundi, & postquam adolevit, „ duri & lignosi, undique pilosi seu hirsuti. Flores illius in horum summitatibus, „ ex succoso villosa quinquangulari calyce vel gemma germinant, quorum foliola complura sunt & rosea, lineolis rubicundis notata. Postquam defloruerunt, fructus succedit quinquangularis, qui ad maturitatem accedens, seminum minutissimorum copiam reconditam habet.” Figura est p. 224. n. 2. quæ satis bene respondet ipsi plantæ, nisi quod folia nonnihil crassiora & florum petala justo obtusiora, quam habet ipsa planta, exhibeantur.

Altera figura est inter *Plant. Succul. Dec. IV. Tab. 35.* quæ videtur ad juniorem plantam facta, folia enim nimis longa crassaque sunt. Figura flores satis bene exprimit, caseoli autem in medio floris nimis elevati sunt, in quibus omitti debebant anguli, addi vero debebant pili per omnes ramulos. Caules, ut in descriptione qualicumque dicitur, non erecti sunt, sed, ni sustententur, recumbunt. Observandum etiam nomen longe alienum adscribi p. 13. nempe Ficoides seu Ficus aizoides Africana, folio longo tenui, flore aurantio *Boerb.* Quomodo autem, si hujus floret loci, cohæret flos aurantius & in nomine Anglico, *The Hairy Spindle-leaved Fig-Marygold, with a pale Purple-flower?* Quid Fig-Marygold? E Synonymis occurrunt:

Ficoides Africana procumbens teretifolia, crassioribus micis crystallinis adpersa, caule magis fistuloso, flore dilutioris rosei coloris, in medio rubro ornato *Schwer. Cat.* Ficoides humilis, foliis teretibus granulatis, caulibus pilosis, flore purpurascente *Pein. Hort. Bos. Ann. 1712. & 1713.* Ficoides Afra fruticosa, caule lanuginoso, folio tereti parvo brevi guttato, flore violaceo *Boerb. Ind. II. p. 291. n. 9.* Forte Ficoides Mesembryanthemum tenuissimis vermiculatis foliis Africanum, *Hort. Compton. Pluk. Amalth. p. 90.*

Ficoides Africana teretifolia, crystallinis micis adpersa, flore intus lætissime purpurascente, extus argenteo nitore splendente *Schwer. Cat.* videtur hujus varietatem cum floribus junioribus & primum explicatis denotare.

MESEMBRYANTHEMUM MICANS, FLORE PHOENICEO, FILAMENTIS ATRIS T. CCXV. F. 282.

PEDALIBUS & bipedalibus surgit cauliculis, qui, ni fulciantur, procumbere solent, lignosis & multum ramosis, ramulis teretibus gracilibus, ex sextantali plerumque distantia geniculatis & brachiatis, folia autem breviora, sesquiunciam nempe & unciam distantiam observant, unciam plerumque longa, crassiuscula, (in annosiori planta, ad quam figura nostra posterior cum flore facta, paullo

P. 291.

T. CCXV.

F. 281.

*Mesembryanthemum
pilosum micans, flore
purpureo striato.*



F. 282.



Mesembryanthemum micans, flore phoeniceo, filamentis atris.

paullo angustiora & breviora, in juniore, cujusmodi est altera cum vasculo, longiora & crassiora, non prorsus teretia, sed obtuse triangularia (quamvis isti anguli tam obtusi sint, ut teretia potius, quam triquetra, dici mereantur folia) tota micis argenteis respersa, coloris ceteroquin luteo-virentis. Caules ramique inferiores spadicei sunt & glabri, superiores vero e fusco rufescunt & asperi tractanti apparent, multis punctis albidis, quæ olim micæ fuerunt, obfiti, summi autem pediculi & florum calyces micis granulisque argenteis, foliorum instar, sed crassioribus donantur.

Flores in cacuminibus pediculis uncialibus & sesquiuncialibus (ad vasculorum augmentum longioribus) innascuntur satis ampli, concavi, margine reflexo, circa basin annulo quodam coherentes & velut monopetali, ita ut toti extrahi queant, ex numerosis petalis sensim minoribus & ad umbilicum filamentosis constructi, coloris extus squalide rubescentis, tunica aurea, ad Solem lucente splendenteque, superinducta, intus ex phœniceo lutescentis, oris reflexis saturatiore colore insignitis, ex luteo nempe ad rubrum, qui puniceus appellari solet, vergente, filamentis in medio flore circa stamina albida locatis atris, quibus hic flos a plurimis aliis prompte distinguitur, quamvis & natura sua speciosus & a plerisque aliis distinctus sit. Stamina vero brevissima sunt, non expansa, nec in utriculum collecta, sed simpliciter congesta, farinosa, inter quæ stylus latet villosus quinquefidus. Calyces in quinque segmenta dividuntur, quæ subinde reflexa & uncinata sunt, membranula quadam ad margines tenui & pellucida cincta, subinde vero membranula & unculis illis carent. Vascula parva sunt, depressa, quinque radiis prominentibus & totidem intus loculis distincta, per siccitatem fusca, contracta, cujusmodi seorsum num. 2. integrum, 3. transversim sectum exhibetur. Tota fere æstate, novis floribus marcescentibus succedentibus, floret. Jam, ut hæcenus fuimus, recensemus Synonyma Auctorum, & primo quidem eorum, qui vel descriptionem, vel figuram aliquam dederunt, dein qui solo nomine ejus mentionem fecerunt.

Inter hos primus est *Rajus*, qui *Ficoidis Africani* caule aspero, flore rutilante, coloris *Cinnamomi* *Hist. Plant. Tom. III. p. 366. n. 21.* titulo satis bene descripsit. Notandum autem, quæ stamina dixit nigrescentia apicibus albidis coronata, cum apicibus careant, pertinere potius ad petala, & quem colorem cinnamomeum vocavit *Rajus*, non tam in flore recenti, quam vetusto & marcido, vel potius in ramulorum cortice, observari. Ceteroquin bene observat *Rajus*, folia ex triangulari esse rotunda, sed cum, ut supra demonstratum est, anguli sint vix conspicui, pro teretibus non male habentur folia hæc.

Sequitur *J. C. Volckamerus*, cui in *Flora Noribergensi Hesperidibus* subnexa *p. 222. n. 3.* dicitur, *Ficoides* seu *Ficus aizoides Africana teretifolia erecta*, crystallinis micis adpersa, flore amplo puniceo intus, extus ad Solem aureo fulgore splendente ex *H. M. V. fratris* nempe, cui in *Flor. Nor. p. 165.* *Ficoides* seu *Ficus aizoides Africana*, foliis teretibus crystallinis miculis adpersis, dicta fuit. Descriptionem *Volckamerianam*, quia cum *Rajana* congruit, neutra vero, quod in nostra non contineatur, habeat, recensere supersedeo. Observandum autem est, figuram non tertiam, sed primam in *Tabula p. 224.* hujus loci esse, & perperam ei pilos appingi, quos sculptor figuræ quartæ addere debebat, quantum ego quidem

dem judico. Particula faltem eſt ramuli, ſed floris figura ſatis monſtrat, hujus ſpeciei eam eſſe.

Porro figuram hujus habet *Petiverus Gazoph. Tab. 7. fig. 9.* cui in *Catal. Vol. II. num. 486.* Ficoides Capenſis tereti folio, flore croceo, dicitur. Figura, ut reliquæ ipſius, non placet. Videtur ad plantam marceſcentem facta, & deſunt petala floris minora ac capillamenta nigra, quo defectu etiam laborat tertia, quæ hujus proſtat, figura inter *Plant. Succ. Dec. I. Tab. 8.* cui p. 9. titulus, Ficoides Capenſis folio tereti argenteo, petalis per plurimis aurantiacis.

Reſtant qui ſola nomina dederunt. Eſt autem Ficoides Meſembryanthemum prælongo ſubtereti folio, micis roridis ornato, flore amplo amoeniſſimo aureo *Pluk. Amalib. p. 89.* Ficoides Africana erecta teretifolia glauca, cryſtallinis micis adſperſa, flore magno, flammei coloris intus, extus ad Solem aureo fulgore ſplendente *Schwer Cat.* Ficoides Africana foliis Sedi minoribus oblongis, flore ampliſſimo atro-purpureſcente, in ſummitate aureis micis circinato *Tit. Hort. Maur. p. 74.* Ficoides ſeu Ficus aizoides Africana, folio viridi, micis quaſi glaciatis ſplendentibus ornato, flore coccineo *Boerb. Ind. I. p. 124. n. 22.* ni fallor. Vel

An Ficoides ſeu Ficus aizoides Africana, folio longo tenui, flore aurantio *Boerb. Ind. I. p. 124. n. 24? II. p. 291. n. 5?* de quo Capite de Meſembryanthemo tenuifolio frutiſcente, flore croceo.

Hæ ſunt Meſembryanthemi ſpecies in Horto Elthamendi naſcentes hodieque læte vigentes, dempto Meſembryanthemo foliis corniculatis longioribus, quod anno 1732. hiemis injuria periit, quam ſpeciem, vel quaſcunque alias, quæ in hoc libro non continentur, qui communicare voluerit, rem faciet gratiſſimam.

MILIUM AMERICANUM HUMILE, PANICULA RARA T. CCXVI. F. 283.

MILIO vulgari culmo, foliis & ſemine ſimile eſt, ſed humilius & gracilius, paniculamque habet minus ſparſam, e granis rarioribus conflata.

Pedali vero & ſeſquipedali eſt altitudine, culmo piloſo, e quo folia ſimiliter piloſa oriuntur, caulem aliquoſque, ut in aliis Culmiferis, vaginæ inſtar cingentia, parte interiore, qua culmum ſpectant, magis hiriſuta ſeu pilis crebrioribus obſita, quam exteriori, marginibus nullis pilis præditis. Quæ folia, quando floret planta, ut ſemina nutritio ſucco uberius ſuppleantur, ſenſim ab acumine, ceu in aliis Cerealibus, exareſcunt.

Panicula e locuſtis conſtat ſimplicibus, ſeu non ſquamofiſ, gemellis nempe glumis virentibus, ad quarum baſim alia anguſtior exterius apponitur, quarum ſinu embryo fovetur, e duobus corpuſculis navicularibus lucidis compoſitus, in quibus grani rudimentum, ſtylus & ſtamina hærent, apicibus violaceis prædita. Quæ corpuſcula dein coëunt, granoque pro involucro inſerviunt, quod adeo arcte compectuntur, ut nonniſi ſuſtitundina ſeparari queant. Semina hæc albida, lucida, ſeorſum in margine appicta ſunt.

Brevi tempore enaſcitur, & cito ad maturitatem, duorum nempe menſium ſpatio, pervenit. Sponte autem naſcitur in Virginia & Carolina. Cum grana vulgari ſimilia gerat, ad eadem ad quæ vulgare Milium, nempe ad juſcula & pultes con-

ficiendas,

P. 294.

T. CCXVI.

F. 283.




Milium Americ. humile, panicula rara.

PLANTS RACIUMS

1793

1793



Milium Americanum, paniculae raris.

P. 295.

F. 284.

T. CCXVII.



Myosotis Orientalis perfoliata, Lychnidis folio Tourn.

ficiendas, adhiberi poterit. Sed quoniam rariore constat grano, minus, quam illius, lucrosa erit ejus cultura.

Milium Virginianum lato brevique folio, panicula rariore *Hist. Ox. Part. III. p. 196. n. 4. Sect. VIII. Tab. 5. fig. 4. serie 2.* foliis longe brevioribus ab hoc differt. Ceteræ Milii & Graminum miliaceorum Americanorum species foliis & paniculis tenuioribus a nostro distinguuntur.

MYOSOTIS ORIENTALIS PERFOLIATA,
LYCHNIDIS FOLIO TOURN. INST. R. H. COR. P. XVIII.
T. CCXVII. F. 284.

EX radice fibrosa annua caules spargit plures reclinatos, pedales & sesquipedales, geniculis frequentibus distinctos, ad quæ ramuli enascuntur dodrantales & pedales, surrecti, teretes, glabri, foliis cincti pinguibus glabris, e glauco nitide cærulescentibus, Lychnidi Vaccariæ dictæ similibus & similiter versus basim connascentibus & a ramulis transfadactis, quorum summitati capitula pediculis tenuibus innascuntur conica, e quinque foliolis constructa, colore cum foliis eodem prædita, quæ Sole urgente hiant & flores parvos candidos visui exponunt, e quinque petalis planis, in extremitate incisus, conflatos, quibus præteritis vascula subnascuntur oblonga, conica, ab initio viridia, per maturitatem obsolete albicantia & striata, pluribus denticulis, decem nempe, dehiscentia, & semina fundentia majuscula rugosa, e fusco rufescentia, reniformi figura prædita, quæ figura secunda, prima vero petala seorsum designata sunt.

Caules & rami fistulosi sunt, firmi tamen, colore ab initio e glauco virente, dein ad seminum maturitatem obsolete ex flavo albicante, tincti, quem colorem etiam folia marcescentia induunt. Ceterum folia inferiora latiora sunt, & venas quasdam levidenses habent, superiora & ramulis adnascantia minora sunt & venis carent. Julio floret, & seminibus peractis perit.

OBELISCOTHECA INTEGRIFOLIA, RADIO
AUREO, UMBONE ATRO-RUBENTE T. CCXVIII. F. 285.



” **O**BELISCOTHECÆ notas sequentes facit Vaillant in Comm. Ac.
” R. Scient. A. 1720. p. 329. discum conicum, squamis concavis
” refertum, quarum singulæ singula foveant semina obelisci inversi
” figura prædita, quorum basis (summitatem intelligit) concava
” fit & prominentiis dentiformibus cincta: calycem in plura ra-
” diata foliola ad basim usque dividi: folia plerumque alternata & profunde divi-
” visa esse. Cujus generis species tres recenset: (1) Obeliscothecam Hydro-
” phylli folio, lobis latioribus: (2) Obeliscothecam Hydrophylli folio, lobis an-
” gustioribus: (3) Obeliscothecam trifido folio. Quibus speciebus quartam addo
” folio integro præditam, quam vel ex nomine Plukenetii hujus generis speciem esse
” conjectare potuisset, vocat enim Plukenetius, Chrysanthemum Helenii folio, um-
” bone floris grandiusculo prominente *Alm. p. 99.* cujus figuram dedit *Phytogr. Tab.*
” *242. n. 2.* sed valde imperfectam, folium nempe tantum & florem male designatum.

F f f f

Caules

Caules hæc species ex radice perenni plures profert, cubitales & sesquicubitales, erectos, teretes, striatos, herbaceos & virentes, aut subinde, versus ramorum ortum, obscure purpureos, in paucos ramos vel stolones potius floridos divisos, surrectos, aut leniter in latera versos, quibus folia adnascuntur inferius longiora & latiora, versus basim angustata, superius breviora & angustiora, lata basi prædita, & absque pediculis ramis adnascencia, per margines obiter & vix conspicue incisa, dilute virentia, hirsuta & crebris pilis utrinque obsita, alterno ordine, præter ima stolonum, quæ non raro adversa sunt, progredientia. Ima autem folia, quale seorsum figura marginali quinta appictum est, inferioribus minora sunt & in pediculum oblongum attenuata.

Flores pediculis prælongis, dodrantalibus nempe & pedalibus, (quod in figura nostra, ne tabula libri molem excederet, observari non potuit) innascuntur, similiter ac caules & stolones, teretibus striatis & pilosis, ampli & venusti, e duodecim tredecimve semiflosculis latis & oblongis, rigidiusculis, in extremitate duabus tribusve parvis crenis incisis, & innumeris flosculis minutis, in quinque exiles lacinias divisos, constructi, in umbonem prominentem cum squamis eis intermixtis coactis, radio colore aureo, umbone vero & flosculis atro-purpureo colore insignitis. In semiflosculis nullum stylum observavi, semina tamen eis adnata oblonga, plana & compressa, semiflosculis arcte cohærentia, inania, nuda, i. e. nec papposa, nec aristata, cujusmodi etiam sunt, quæ flosculis subjiciuntur, sed angustiora & quadrangula, in summitate latiora & nonnihil excavata, minora quam in aliis speciebus, & prominentiis dentiformibus destituta, per maturitatem cinerea, quæ seorsum figura marginali quarta, tertia vero squamæ, secunda flosculi, prima semiflosculi appinguntur.

Calyx e duplici triplicive foliolorum oblongorum planorum, pilosorum, ad basim usque separatorum, serie constat. Umbo vel discus ab initio humilior est, per vetustatem prominentior.

Augusto floret & planta non tantum ob elegantiam sed & florum durabilitatem, cum singuli ad quinque & sex septimanas persistant, æstimanda est. Natale ipsi solum est America, speciatim Marilandia, Virginia & Carolina.

Obeliscothecam dixit Vaillant, quoniam, ut ipse interpretatur, ovaria specierum hujus generis repræsentant obeliscos, inversas nempe figuras quadratas in metæ formam desinentes. Sed inepte semina ovaria, & ineptius ovaria thecas vocat, & ni interpretemur semina obelisciformia squamulis illis velut thecis recondi, explodendum foret id nomen & Obeliscospermi substituendum esset.

Dracunculus Virginianus latifolius, petalis florum longissimis purpurascensibus *Hist. Ox. Part. III. p. 42. Sect. VI. Tab. 9. serie tertia*, hujus etiam generis species est, foliis integris prædita, quæ Obeliscotheca integrifolia, radio pendulo, angusto purpurascens, vocari potest, & Horti etiam nostri alumna est.


P. 296.

T. CCXVIII.



Obeliscotheca integrifolia radio aureo, umbone atro-rubente.

1. COXIA



Coxia spectabilis (L.) DC. var. *obovata* (L.) DC.

Herbarium



Faint, illegible text, possibly bleed-through from the reverse side of the page, located to the left of the plant drawing.

Chloris peruviana

P. 297.

T. CCXIX.

F. 286.



Onagra Bonariensis villosa, flore mutabili.

*ONAGRA BONARIENSIS VILLOSA, FLORE
MUTABILI T. CCXIX. F. 286.*

CUBITALES plerumque novæ huic Onagræ speciei sunt caules, teretes, erecti, inferius subfusci, in medio & superiora versus pallide virentes, in ramos aliquot ab imo divisi, ejusdem fere, culmi nempe minoris, cum medio caule crassitie. Folia alterna, Epilobio villosa minori similia, sed nonnihil angustiora & magis mollia, per margines obiter dentata sunt, molli lanugine pubescentia, utrinque viridia, nervo albo distincta, a quo venæ aliquot obliquæ exeunt.

Flores e foliorum alis nascuntur, quam vulgaris speciei, nonnihil minores, sed pediculo aliquanto longiori insidentes, flavicantes ab initio, mox in croceum & tandem ex fusco in rufescentem colorem abeuntes, cito marcescentes, petalis rugosis & sibi approximantibus, nec nisi Sole candente expansis, ad quorum basim, supra floris pediculum, calyx hæret, vulgaris instar reflexus, quadrifolius, e bigeminis foliis sibi approximantibus & in extremitate, vulgaris instar, cohærentibus constructus. Ceterum floris & calycis folia non sejuncta decidunt, sed supra fructum exarescunt & cum pediculo, qui floris tubus, quoniam cavus non est, censeri nequit, decidunt. Quoniam igitur toti in hac aliisque Onagræ & Epilobii speciebus decidunt flores, an vere tetrapetali sint, dubium videri posset; verum quoniam petala ad basim omnino disjuncta sunt & perianthii tantum ope cohærent, per melicet, ut pro tetrapetalis habeantur flores. Stylus e quatuor crassiusculis corniculis constat: stamina, pro petalorum numero duplicata, apices oblongos, ab initio surrectos, postea transversos gerunt. Vascula dilapsis floribus longius excrescunt, teretia, striata, minus tamen, quam vulgaris, profunde, quibus etiam altero tanto longiora sunt & magis crassa, quatuor bifidis eminentiis terminata, in quatuor valvas per maturitatem dehiscentia, quorum singulis duplex seminum subteretium non papposorum series adnascitur, cum in Epilobiis semina papposa simplici serie disponantur, cujusmodi valva & floris petalon seorsum in margine, nempe figura prima petalon, secunda valva parte exteriori, tertia parte interiori, quarta semina, quinta flos totus seorsum apponuntur.

Et filiquæ & florum pediculi & caules pilis mollibus obsiti sunt, quin & tota planta mollis est, præcipue sylvestris, ubi & folia angustiora & omnia minora sunt; cujusmodi specimina servantur in Phytophylacio Sherardino, ex Bonariensi agro allata, ex quorum deglubitis seminibus nata fuit hæc planta in Horto Elthamensi, ubi Augusto mense flores & semina tulit.

Valde quam similis habetur species apud *L. Feuillée Observ. Physic. Tom. III. Hist. Pl. Med. p. 48. Tab. 34.* Sed cum Auctor caules & folia glabra dicat, & crebrius sinuata pingat, floresque in figura desint, non pronuntiarim eandem esse cum nostra specie.

Onagræ nomen huic generi proprium fecit *Instit. Rei Herbariæ Auctor p. 302.* Onagra autem & *Œnothera* Veterum esse nequit, quod hujus generis species omnes Americanæ originis sint, quicquid de vulgari specie, in quibusdam nunc Europæ locis spontanea & inquilina facta, aliqui sentiant. De *Œnothera* autem & Onagra Antiquorum, & cur ita dicta fuerit, vid. *Bodæum a Stapel in Thephr. Hist. Plant. L. 9. C. 21. p. 1172. 1173.*

*ORNITHOGALI VIRGINICI FACIE, HERBA
TUBEROSA CAROLINENSIS T. CCXX. F. 287.*

ORNITHOGALO luteo parvo Virginiano, foliis gramineis hirsutis Banisteri *Pluk. Alm. p. 272. Tab. 350. fig. 9.* valde similis, & antequam flores proferret, eadem videbatur planta hæc, a qua non nisi foliis majoribus distinguere poteram, sed cum flores proferret & de radice tuberosa certior fierem, diversam agnovi.

Folia ei ex eadem radice plura nascebantur, dodrantalia, carinata, Gramini nemoroso hirsuto similia, per margines, immo per omnem superficiem, sed minus hic conspicue, pilosa, utrinque dilute virescentia, vetustiora e viridi lutescentia & tandem xerampelina. Circa folia & dein ex eorum alis, vel potius inter ea ad basim capitula aliquot nascebantur sessilia oblonga, obtuse trigona, quorum summitati flores nudi hexapetali infidebant, e petalis duum ordinum, tribus exterioribus latioribus, virentibus, hirsutis, (cujusmodi & capitula seu vascula sunt) & tribus interioribus angustioribus glabris, e viridi lutescentibus, conflati, e quorum sinu ad fundum stamina egrediebantur sex, apicibus flavis capitata. Quæ stamina in flore latebant, nam flores non explicabantur, sed semper clausi erant, vel leviter saltem hiscebant. Ceterum petala cuspidata erant, & margines tam exteriora, quam interiora, intus plicatos habebant. Vascula transversim secta tricapsularia erant, quæ per maturitatem tribus valvis dehiscabant & semina fundebant rotunda nigra, nonnihil splendentia, glomeris instar congesta. Nullus caulis. Radix, Hortulano referente, tuberosa, instar Cirsii Americani tuberosa radice.

Flores & vascula Junii fine & Julio mense proferebat, & vascula quidem cito complementum adipiscebantur, novis interim vasculis & floribus inter folia prodeuntibus, dum vascula exteriora semina jam matura fudissent.

Ad marginem figura prima & secunda vascula & flores conniventes, figura tertia & quarta flores manu explicati, quinta & sexta vascula transversim dissecta seorsum exhibentur.

E terra, quicum aliæ plantæ ex Carolina delatæ erant, forte fortuna prodiit, & cum unica tantum esset planta, ea studiosius in Caldario culta fuit. An procedente tempore, si plures natæ fuerint, solo & aëre liberiore liberius nascetur & diversa facie florebit, dies docebit.

*OXYS LUTEA AMERICANA, HUMILIOR
ET ANNUA T. CCXXI. F. 288.*

PALMARI & dodrantali nascitur altitudine, cauliculis teretibus furrectis, tenui hirsutia obsitis, ramosis, ad quorum genicula folia tenuibus pediculis oblongis, tenuibus etiam pilis respersis, insident, parte superiori glabra, inferiori & per margines tenui & molli hirsutia obsita, ad margines, aversa præsertim parte, tenui rubedine tinctâ, sub vesperam & ingruente pluvia complicata, cetera diei parte explicata. Folia autem nunc solitaria, nunc duo triave ad singula genicula proveniunt, e quorum pediculorum alis pedioli florentes nunc solitarii, nunc bini
trinive

P. 298.


F. 287.

T. CCXX.



Ornithogali Virginici facie, Herba tuber. Carolinens.

ORNITHOGALI VIRGINICI FACIE, HERBA



OXYS CUTE... RICANA, HUMILIOR

Ornithogali Virginici facie, herba tuberosa

T. CXX

202.9

P. 299.

F. 288.

T. CCXXI.



Oxys lutea Americana, humilior et annua.

trinive proveniunt, minus, ob pilos appressos, ac foliorum pediculi, pilosi, in quorum fastigio gemini plerumque, subinde terni quaternive nascuntur flores, pediculis privatis gracilibus hærentes, lutei, e quinque petalis, in extremo leviter cordatis, ad unguis, ceu in aliis speciebus, obiter cohærentibus, fundo vero integro (immo nec annulo integro) non donatis, (ut non tam monopetali, quam pentapetali flores videantur) conflati, staminibus præditi tenuissimis, pro petalorum numero duplicatis, quinque longioribus & totidem brevioribus, apices parvos luteos gerentibus: Ceterum florum pediculi ab initio recurvi pendent, dein, ubi flores explicationi se accingunt, eriguntur.

Floribus evanidis pedioli illi privati, velut in Geraniis, denuo reflectuntur & vascula oblonga pentagona, rostrorum Geraniorum æmula, surrecta gerunt, molli & subincana hirsutia undique obsita, in quinque loculamenta divisa, in quibus plura simplici serie sibi superimposita latent semina rotunda, candida & lucida, quæ ubi ad maturitatem perveniunt, candidus ille & lucidus folliculus, semina obvestiens, se aperit, & cum impetu grana ejaculatur subrotunda, ruffa, transversis, si per lentem vitream aspiciantur, rugis exarata. Folliculi autem & ipsi, de summitate incipiendo, exsiliunt, crassiusculi & gelatinosi ab initio, mox, ubi exsiccantur, tenues & membranacei. Seminibus excussis valvæ thecarum connivent, ut non appareat illas apertas fuisse. Figura marginali prima semina folliculis lucidis inclusa, secunda eadem e folliculis excussa, tertia folliculi vacui exhibentur.

Radix tenuis fibrosa est. Junio & Julio floret, e seminibus sparsis quotannis se renovans. Hæc vero primum e Carolina delata fuerunt.

Oxys lutea Americana erectior *Tourn.* planta est nonnihil altior & folia majora magisque (utraque nempe parte) hirsuta habet, simpliciter viridia: caules pilis extantibus obsiti, & flores in eodem pediculo communi ordinarie plures nascuntur. Sed præcipua differentia est, quod illa perennis sit, hæc vero nostra annua. In floribus ea etiam differentia observatur, quod illius flores nonnihil pallidiores & minores sint, petalis minus obtusis præditi. Ceteroquin vascula, quam nostræ speciei, minus incana sunt, breviora, pediculis privatis brevioribus & erectioribus nixa. Qui flores & vascula pro differentia monstranda eadem Tabula expressa sunt figura quarta.

PANCRATIUM MEXICANUM, FLORE GEMELLO, CANDIDO T. CCXXII. F. 289.



PANCRATIUM mihi est herbæ Bulbosæ genus, Narcisso accedens, sed in eo diversum, quod tuba ejus, quam calycem minus proprie dixerunt Botanici, ad angulos, quos margines patiuntur, in stamina desinat prælonga, quorum fastigiis apices inhærent oblongi versatiles, transversa affixi. Hæc nota certa est & sufficiens ad genus hoc a Narcisso distinguendum; a Lilio-Narcisso autem multo magis differt, nempe quod ille tuba istiusmodi plane careat, & flores ideo diversam figuram obtineant.

Caulis huic speciei dodrantalibus est, teres, versus summitatem bifurcus, in duos nempe abit pediolos, duobus ad divaricationem foliolis oblongis, teneris, membranaceis, virescentibus cinctos, quorum fastigio duo insident flores candidi, in

sex angusta segmenta ad basim, pediculum nempe floris usque, qui vasculum fit, divisi, in quorum medio tuba sedet campaniformis candida, tenerior, quam ipsa floris petala, cujus oræ angulatæ sunt & totidem, quot sunt petala, stamina ex ipsis marginibus emittunt, longa satis & gracilia, candida item, quibus singulis in extremitate inhærent singuli apices oblongi, incurvi, crocei; stylus autem e media tuba surrigitur simplex, capitulo parvo, farina crocea resperso, terminatus: staminum lineamenta per ipsam tubam decurrunt. Inodori sunt flores & cum tuba supra fructum marcescunt, videnturque hexapetali potius esse, quam monopetali.

Folia, quum floreret, quatuor gerebat, reclinata, lævia, dilute virida, levi glaucescencia perfusa, subrigida, in medio leniter fulcata, & simplici utrinque stria prædita, cetera avenia, longitudine dodrantali, aut paullo ampliore, latitudine unciali & sesquiunciali, versus extremitatem in mucronem producta. Majo mense floruit, e bulbis Mexico allatis.

Hujus generis, præter modo memoratam, species sunt: (1) Narcissus maritimus *C. B. Pin. p. 54.* quem Pancratium Lobelius & alii Rei herbariæ Auctores dixerunt & existimaverunt: (2) Narcissus Illyricus liliaceus *Ejusd. Ibid. p. 55.* (3) Pancratium Indicum alterum vernum, sive Narcissus Indicus alter, facie Pancratii Monspeliani *Lob. Adv. Part. Alt. p. 502.* quem Lobelius præcedenti eundem, vel congenerem saltem facit, & eum sequutus *C. Bauhinus in Pin. p. 55.* *Tournefortius* autem in *Instit. R. Herb. p. 358.* distinguit, & Narcissum vernum Americanum, flore albo, vocat: (4) Narcissus Zeylanicus, flore albo, hexagono odorato *Hort. Lugd. Bat. & Hort. Amst. Part. I. p. 75.* (5) Lilio-Narcissus Africanus pumilus, polyanthos *Inst. R. Herb. p. 386.* (6) Narcissus Americanus, flore multiplici albo, odore Balsami Peruviani *Inst. R. Herb. p. 358.* i. e. Narcissus Americanus, flore multiplici albo, hexagono, odorato *Hort. Amstel. Part. II. p. 173.* & forte (7) Narcissus Amboinensis, folio latissimo rotundo, floribus niveis inodoris *Hort. Amst. Part. I. p. 77.* ubi icon non satis clare monstrat, an stamina ex tuba, quæ parva, egrediantur; nostra vero planta sicca floribus destituitur, ut certo pronuntiare non liceat, suspicor autem veram hujus generis speciem esse.

*PAP AVER CAMBRICUM PERENNE, FLORE
SULPHUREO T. CCXXIII. F. 290.*

PARKINSONUS primus solusque descripsit non inelegantem hanc Papaveris speciem *Theatri Bot. p. 370.* & figuram *p. 369.* sed rudiorum exhibuit, cujus descriptionem paulisper auctam latinam fecere & Morisonus & Rajus in suis *Plantarum Historiis.* Quæ figura cum non satisfaciatur, præsertim quoad flores, meliorem cum descriptione dare superfluum hoc loco non videtur.

Radix transverse posita digiti fere minoris crassitudine est, tuberculis hinc inde nodosa, e cujus altera extremitate, anteriore nempe, caulis, ex altera, posteriore nimirum, fibræ descendunt, ejusdem cum reliqua radice, e luteolo nempe subfusci, coloris.

Folia e radice plura exeunt, in plures partes, ceu alas, ad costam mediam usque divisa, alis vel pinnis in inferioribus foliis paucioribus, in reliquis crebrioribus


bus

Zanorthium Mexicanum,
flore gemello candido.




F. 289.

1777



Iris sibirica
 Linnæus



[Faint, illegible text, likely bleed-through from the reverse side of the page.]

F. 290.



Papaver Cambr. perenne, flore sulphureo.

bus, una impari extremam costam terminante, per ambitum dentatim incis, dentibus in natu majoribus obtusioribus & rarioribus, in junioribus vero acutioribus & crebrioribus. Quæ folia in hortis viridia & erectiora sunt, locis autem sylvestribus subglauca & terræ magis appressa. Porro caulis minus ramosus est, nec pedalem altitudinem supergreditur, ubi sponte nascitur, in hortis vero altius & ad cubiti usque surgit altitudinem, in ramos aliquot divisus pilosos, ut sunt & foliorum pediculi, sed non æque folia, nisi in dorso, ad nervos.

In summis caulibus & ramulis capitula nascuntur ab initio erecta, mox, aliorum instar, pendula, dein ad floris expansionem, & iis dilapsis, surrecta denuo, floribus nec parvis, nec amplis admodum, petalis exterioribus, quam interiora, non nihil majoribus, coloris pallide flavi, (non lutei, ut Morisonus & Rajus vertunt) talis, qualem obtinet sulphur vulgare, qui color post exsiccationem in aurantiacum solet transire. Stamina & apices eodem, quo petala, gaudent colore. Perianthium, ceu in aliis, bifolium, caducum est. Vascula floribus dilapsis grandiora fiunt, oblonga, in summitate turgidiora, quam versus basim, glabra, quorum cavitas quinque membranulis, ad se in medio non pertingentibus, ita ut vascula proprie multicapsularia dici nequeant, distincta est, in quibus continentur plurima semina, fusco-nigra per maturitatem.

Figura nostra ad plantam in Horto Elthamensi lectam facta est, quæ spontanea quidem non multo minor erat, sed folia habebat non æque in orbem sparsa. Quamvis observarim etiam sylvestribus locis folia non semper in orbem spargi, nempe in cañtibus, qua viatores non solent pertingere.

Majo Junioque floret in hortis, & late in iis provenit, præcipue ad sepes & loca umbrosa, quibus diutius & per maximam sæpe ætatis partem flores retinet, locis autem natalibus serius floret. Nascitur autem & observata primum fuit in Cambria Septentrionali, locis umbrosis & lapidosis circa rivos Alpinos, v. gr. Parkinsono primum memorante, versus *Abbar* media via inter *Denbigam* & *Guider*, item prope pontem, *Devæ* fluvio superstructum, prope *Balam* & ascendendo montem versus *Bangorium*. Sed nullibi frequentius provenit, quam circa *Perisium* ad radices montium *Widva* & *Glyder*, circa rivum qui inde in lacus decurrit, observante Lloydio, dein Rajo & nobis etiam. Postea idem Lloydius vidit in monte *T Vann uwch deni* prope *Brechiniam* in Cambria australi. Sed nec ipsi Angliæ hanc plantam deesse, constitit mihi anno 1726. dum rupes Chedderenses plantarum gratia perlustrarem, in cujus cautibus eam cum Tunica rupestri, folio casto molli, observavi; quæ rupes inter oppida *Chedder* & *Axbridge* in Somersetiensi Comitatu sitæ sunt.

Vocatur Argemone Cambro-Britannica lutea *Park. Th. p. 369. & 370. Raj. Hist. Plant. Tom. I. p. 856. n. 9. Hist. Ox. Part. II. Sect. 3. Tab. 14. fig. 12.* (e Parkinsono) Argemone Cambro-Britannica lutea, capite longiore glabro, paucis spinulis ad loculamentorum juncturas armato *Hist. Ox. Part. II. p. 279. n. 12.* (ubi Morisonus descriptionem Parkinsoni recitat, cui addit observationem illam de spinulis, ad cujus imitationem & Rajus videtur capitula ad loculamentorum juncturas paullulum hispida dixisse in *Hist. sua.* Ego vero nec extus, nec intus tale quid deprehendere potui, nisi forte Auctores illi revolutiones summi capituli, quæ laciniatim quinario numero per maturitatem abscedunt, & fastigium
ejus

ejus veluti fenestratum relinquunt, intelligant. Cujusmodi capitulum seorsum in margine, & idem capitulum transversim dissectum, ut cellulae appareant, pone illud cum seminibus appictum est figura prima, secunda & tertia.

PAPAVER ERRATICUM NUDICAULE,
FLORE FLAVO, ODORATO T. CCXXIV. F. 291.

E Radice tenui, albida, fibrosa folia nascuntur plura hispida, primum latiora & breviora, in segmenta pauciora & latiora minus profunde divisa, dein quae sequuntur folia in plures angustiores & longiores lacinias dividuntur, colore praedita, praesertim inferne, e viridi in glaucum tendente. Inter quae folia unus alterve surgit cauliculus teres, dodrantalis & pedalis, subglaucus, hispidus, foliis destitutus, florem gestans mediocris magnitudinis, Papaveri Cambrico similem, eleganti flavo pallidiore colore conspicuum, cujus duo petala interiora paullo minor, duo exteriora aliquanto majora sunt, in cujus medio stamina plurima flavicantia sunt, apicibus latiusculis compressis striatis luteis capitata, & embryo subrotundus virescens, octo radiis in summitate distinctus, qui dein in vasculum abit oblongo-rotundum, hispidum, in quo semina continentur plurima parva, per maturitatem nigra. Flos, quod peculiare, subtilem suavemque spirat odorem, Narcissum juncifolium aemulans, praecipue mane & vesperi.

Eodem, quo satum fuit, anno floruit, ut annua videatur planta; & sunt nobis aliae plantae, foliis paullo amplioribus & hispidioribus praeditae, quarum flores forma & odore convenire, colore pallidiore differre dicebantur: aliae sunt iisdem cum nostra foliis praeditae, sed floribus color ochreus adscribebatur. Quae quoniam flores nobiscum nondum protulerunt, utrum varietates tantum, an species distinctae sint, determinare non possumus. Ceterum semina harum plantarum ab extremis versus Orientem Russici Imperii finibus, nempe ex Provincia Argunsky, qua latitudinem 51. habet, a ** Heidenreich delata erant, quae nobiscum cum pluribus aliis rarioribus ibidem lectis communicavit J. H. de Sprekelsen, & pleraque libere quidem gliverunt, sed flores, quod perennes ceterae essent, hoc anno (1732.) ferre nondum potuerunt.

Ab aliis Papaveris erratici speciebus floribus flavis, cauliculis nudis, foliis in latiora segmenta divisis, abunde differt. Porro qui Papaveris erratici Pyrenaeici, luteo flore *C. B. in Prodr. p. 92.* legerit descriptionem, differentiam, quae inter nostrum & illud intercedit, facile agnoscat.

PARTHENIASTRUM HELENII FOLIO
T. CCXXV. F. 292.

UNA tantum adhuc nota fuit Partheniastrum species, nempe Partheniastrum Americanum Ambrosiae folio *Nissol. Comm. Acad. R. Scient. Ann. 1711. p. 323.* cui alteram nunc jungimus veram hujus generis & ejusdem originis speciem, capitulis majoribus & foliorum figura ab illa longe differentem.

Ad bicubitalem haec & longiorem altitudinem nobiscum enata est, caulibus crassis, teretibus, carnosiss, virentibus, quos folia absque pediculis lata basi amplectuntur

F. 291.




Papaver erraticum nudicaule, flore flavo, odorato.



HELENIS FOLIO

U... ..



F. 292.



Partheniastrum Helenii folio.

Etuntur hirsuta, (non pilosa) viridia, subtus nonnihil pallidiora, Helenii foliis similia, venis crebris obliquis exarata. Quæ ad radicem nascuntur, cujusmodi inferiori Tabulæ loco appositum est, reliquis majora & longiora sunt, pediculis carinatis prædita.

In summis caulium subhirsutorum ramulis flores corymbatim dispositi nascuntur, capitulis superne niveis, Gnaphalii specie, inferne e viridi albescentibus, villosis ab initio, dein villo oblitterato in plurimos flosculos minutos & apiculos nigricantes dehiscentibus. Capitula autem hæc sequentem in modum formata sunt. Primum, calyx simplex est, quinque foliolis constans, ad pediculum usque divisus, capitulo arcte appressis. Dein, flores componuntur e flosculis & semiflosculis: illis masculis & fariniferis tantum, quibus nulla subsunt semina; his foemineis seu fertilibus, tot saltem, quot sunt calycis foliola, quinque nempe, vel subinde sex. Porro id peculiare est, quod a parte interiore semiflosculis foemellis tanquam paranymphe adstent bini flosculi masculi, squama tenui in summitate crenata & villosa involuti, quæ squamulæ a latere feminis oriuntur, & eidem tenui filo nigro connectuntur, proprie vero id non involvunt, sed arcte saltem adhærent; a parte vero exteriori feminis dorsum ambit squama latiuscula candida crenata, calycis foliis similis, sed tenuior & obtusior, nec in cuspidem terminata. Hinc fit, ut semen, quod oblongum compressum, per maturitatem nigrum est, undique coopertum sit, & hac de causa Hysterophori nomen confinxit Vaillant Comm. Ac. R. Sc. Ann. 1720. p. 336. Sed potuisset sufficere nomen Partheniastrum, quod primum dedit Nissolle, eo quod Partheniastrum Ambrosiæ folio simile esset Matricariæ vel Parthenio, ita ut pro ejus specie a Tournefortio & aliis fuerit habitum. Ceterum flosculis his semiflosculis appositis flosculi reliqui, qui discum occupant, plane similes sunt, & simili squamula gaudent, tenuiter in summitate crenata & villosa, & ab his capitulorum villositas oritur. Flosculi albi in quinque exiles lacinias dividuntur, e quibus utriculus farinifer niger exit: semiflosculi candidi, concavi (non auriculati) bifidi in extremitate, in quibus hæret stylus tenuis bifidus.

Hæc omnia simili modo se habent in vulgari Partheniastro, sed minus, ob florum parvitatem, conspicue, unde, si qui in ipsius caractere errores commissi sunt, ex his corrigi debent. Auriculæ quidem, quas me olim in illo observasse memini, in hoc desunt. Eæ vero in Comment. Ac. Reg. Sc. Ann. 1720. p. 339. fig. 8. ex ipso semine egredientes pinguntur, & recte, unde cum olim ad ipsum semiflosculum retulerim, id corrogo & ad semen refero, quod super ipso in vulgari specie paulisper extat. Notandum tamen id non ea figura, qua dicto loco depingitur, infundibuliformi nempe, nec tam magnum, sed tenuium alarum instar saltem comparere.

Ceterum nostræ hujus speciei, quo omnia clarius appareant, flores ejusque partes in Tabula seorsum appictæ sunt; figura nempe prima flos villosus antequam flosculi prodeant: figura 2. 2. cum flosculis prominulis: fig. 3. flos aversa parte, ut calyx appareat: fig. 4. semiflosculus parte externa, fig. 5. interna, cum flosculis squamulis involutis, fig. 6. e squamulis extractis, fig. 7. absque iis, fig. 8. & 9. flosculi in & extra folliculum squamosum, fig. 10. 10. flosculi extracti & sine squamulis, fig. 11. squamula explanata seorsum, fig. 12. foliolum squamosum, quod intra calycem & semiflosculum intercedit & huic ac semini adjacet, exhibentur. Fig. 4. 6. 7. semina conspiciuntur semiflosculis subjecta.